

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education, Science and Youth**

Broj: 11/04-38-19705/19

Sarajevo, 31.05.2019. godine

Na osnovu čl. 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 19. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj: 51/17) i člana 5. Odluke o uvjetima, postupku i kriterijima za dodjeli stipendija učenicima u prvom razredu srednjih stručnih škola Kantona Sarajevo ministrica za obrazovanje, nauku i mlade, raspisuje

## **JAVNI POZIV**

### **ZA DODJELU STIPENDIJA ZA DEFICITARNA ZANIMANJA UČENICIMA KOJI SE UPISUJU U PRVI RAZRED SREDNJIH STRUČNIH ŠKOLA III STEPENA NA PODRUČJU KANTONA SARAJEVO**

#### **Član 1.**

Javni poziv za dodjelu stipendija za deficitarna zanimanja učenicima koji se upisuju u prvi razred srednjih stručnih škola III stepena Kantona Sarajevo u školskoj 2019/20. godini traje od dana objavljivanja do završetka Konkursa za upis učenika u prvi razred srednjih škola sa područja Kantona Sarajevo u školskoj 2019/2020. godini.

Stipendiju mogu ostvariti učenici koji konkurišu u srednje škole za stručno obrazovanje i obuku za zanimanja kako slijedi u tabeli.

1.	Elektrotehnička škola za energetiku	Elektroenergetičar	5
		Elektroinstalater	5
2.	Srednja škola metalnih zanimanja	Bravar/zavarivač/pl.i vodoinstalater	5
		Operater za CNC mašine	5
3.	Srednjoškolski centar Hadžići	Stolar/moler	5
		Bravar	5
4.	Srednja škola poljoprivrede, prehrane, veterine i uslužnih djelatnosti	Mesar	5
		Voćar-vinogradar-vinar	5
5.	Željeznički školski centar	Zavarivač	5
		Elektroenergetičar	5
6.	Srednja građevinsko-geodetska škola	Keramičar-podopolagač	5
		Moler-farbar	5
7.	Srednja škola za okoliš i drvni dizajn	Stolar	5
		Rasadničar	5
8.	Srednja škola za tekstil, kožu i dizajn	Krojač	5
		Hemijski čistač	5
9.	Srednja škola za saobraćaj i komunikacije	Autolimar	5
		Autolakirer	5
10.	Srednjoškolski centar Vogošća	Bravar	5
		Operater CNC mašina	5
11.	Srednjoškolski centar „Nedžad Ibrišimović“ Ilijaš	Autolimar	5
		Operater CNC mašina	5

Učenici će biti stipendirani na način da će za 5 najbolje rangiranih učenika biti obezbjeđena stipendija.

## **II - IZBOR KANDIDATA**

### **Član 2.**

- (1) Izbor kandidata za stipendiranje vrši se na osnovu identičnih uvjeta kao i kod upisa za navedeno zanimanje.
- (2) Proceduru i izbor kandidata provodi Komisija (predsjednik i dva člana) koju imenuje direktor srednje škole iz člana 4. ove odluke za svako pojedinačno zanimanje.
- (3) Komisija za svoj rad odgovara direktoru škole.
- (4) Komisija je dužna razmotriti dokumentaciju upisanih učenika u roku od 10 dana od dana upisa učenika u I razred, utvrditi i objaviti preliminarnu listu stipendista.
- (5) Preliminarna lista se objavljuje na ulaznim vratima škole i web–stranici škole.
- (6) Na preliminarnu listu kandidat može izjaviti prigovor u roku od 7 dana od dana objavljivanja preliminarne liste.
- (7) Prigovor se podnosi direktoru škole koji je obavezan u roku od 3 dana donijeti odluku o istom, te utvrditi prijedlog konačne liste stipendista.
- (8) Prijedlog konačne liste stipendista sa kopijom cjelokupne dokumentacije, direktor škole odmah dostavlja Ministarstvu nakon okončanja postupka.
- (9) Ministarstvo utvrđuje konačnu listu stipendista.

## **III - PRAVO NA DODJELU STIPENDIJE**

### **Član 3.**

Pravo na stipendiju imaju učenici koji ispunjavaju sljedeće uvjete:

1) Opći uvjeti:

- a) da su državljani Bosne i Hercegovine;
- b) da su redovni učenici prvog razreda u školskoj 2019/20. godini srednjih škola i zanimanja iz člana 4. ove odluke
- c) da i prethodnom razredu ima prosječnu ocjenu najmanje 3,00

2) Posebni uvjeti:

- a) uspjeh u prethodnim godinama obrazovanja:
- b) da su kao redovni učenici IX razred okončali 2018/19. godine
- c) da su kao redovni učenici u toku prethodne godine imali primjerno vladanje.

#### **Član 4.**

U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca Federacije Bosne i Hercegovine.

#### **Član 5.**

Iznosi stipendija za učenike će ovisiti o raspoloživim sredstvima u Budžetu.

#### **Član 6.**

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća).

#### **Član 7.**

Stipendija se dodjeljuje nakon provedenog postupka, a na osnovu kriterija propisanih ovom odlukom.

#### **Član 8.**

Stipendije se isplaćuju odjednom ili u ratama, ovisno od priliva sredstava u Budžet Kantona Sarajevo. Sredstva dobijena stipendijama se ne vraćaju.

#### **Član 9.**

- (1) Listu stipendista objavljuje Komisija Ministarstva u roku od 30 dana od dana kad je započela školska godina.
- (2) Lista se objavljuje u dnevnom listu i na web-stranici Ministarstva.

**MINISTRICA**

**Mr. Zineta Bogunić, s.r.**



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

